

Broj: 1518/24
Sarajevo, 02.09.2024. godine

Na osnovu člana 71. Zakona o turizmu KS („Službene novine KS“, broj: 19/16, 31/17, 34/17 i 13/21) i člana 30. Statuta Turističke zajednice Kantona Sarajevo („Službene novine KS“, broj: 32/17), Programa rada i Finansijskog plana Turističke zajednice Kantona Sarajevo za 2024. godinu, te člana 6. Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo (broj: 420-4/24 od 27.02.2024. godine, broj: 623-7/24 od 29.03.2024. godine, broj: 667-4/24 od 08.04.2024. godine, broj: 943-4/24 od 17.05.2024 i broj: 1173-17/24 od 03.07.2024. godine), Predsjednik Turističke zajednice Kantona Sarajevo **d o n o s i**

O D L U K U
O RASPISIVANJU JAVNOG POZIVA 2/2024
SARAJEVO WINTER FEST

I

Raspisuje se JAVNI POZIV 2/2024 - SARAJEVO WINTER FEST koji za cilj ima prikupljanje prijava po programskim aktivnostima za sufinansiranje projekata od značaja za turizam u Kantonu Sarajevo.

Realizacija projekata/programa će biti u periodu 01.11.2024. godine – 31. mart 2025. godine.

II

Sredstva za realizaciju JAVNOG POZIVA 2/2024- SARAJEVO WINTER FEST u iznosu 600.000,00 KM planirana su u Finansijskom planu Turističke zajednice Kantona Sarajevo za 2024. godinu, na poziciji rashoda 6. Finansijska podrška projektima značajnim za razvoj turizma po JP, stavka 6.1.

III

Javni poziv traje od 02.09. do 20.09.2024. godine.

IV

Sastavni dio ove Odluke je tekst JAVNOG POZIVA 2/2024 - SARAJEVO WINTER FEST.

V

Ova Odluka stupa na snagu danom donošenja.

Obrazloženje

Članom 82. Zakona o turizmu Turistička zajednica Kantona Sarajevo dužna je najmanje 70% ostvarenih sredstava od boravišne takse utrošiti za razvoj i unapređenje turističke ponude Kantona Sarajevo.

Sredstva za JAVNI POZIV 2/2024 - SARAJEVO WINTER FEST obezbijedena su u Finansijskom planu Turističke zajednice Kantona Sarajevo za 2024. godinu, koji za cilj ima finansijsku pomoć u realizaciji turističkih događanja koja privlače veliki broj turista i posjetitelja, koji kontinuirano unapređuju i jačaju turističku ponudu i koji su kao takvi prepoznati i kao projekti od izuzetne važnosti za Kanton Sarajevo.

Navedenom programskom aktivnošću Turistička zajednica Kantona Sarajevo izvršava zakonom utvrđene ciljeve i zadatke, a ujedno direktno pomaže turističkom sektoru Kantona Sarajevo. Obzirom na činjenicu da je predmet ovog Javnog poziva sufinansiranje aktivnosti i projekata u okviru Winter Festa u Sarajevu, sredstva za sufinansiranje će se dodjeljivati projektima čijom realizacijom se razvijaju turističke inicijative, ideje i proizvodi iz različitih oblika turizma, koji daju pozitivne, vidljive i samoodržive rezultate, podržat će se aktivnosti na obogaćivanju i unapređenju zimske turističke sezone, koji će turistima i građanima ponuditi zanimljive sadržaje i osigurati produžetak trajanja zimske turističke sezone, s krajnjim ciljem smanjenja sezonalnosti turističkih posjeta, produženju boravka turista i povećanju prihoda od turizma, na osnovu svega navedenog utvrđeno je da su ispunjene pretpostavke za raspisivanje JAVNOG POZIVA 2/2024 u roku i na način definisan predmetnim Javnim pozivom koji je sastavni dio ove Odluke.

Na osnovu prethodno navedenog, odlučeno je kao u dispozitivu ove Odluke.

Predsjednik
Turističke zajednice Kantona Sarajevo

Dr. sci. Haris Fazlagić

Dostaviti:

- 1. Služba za opšte i pravne poslove*
- 2. Služba za planiranje, ekonomske i finansijske poslove*
- 3. Arhiva javnih poziva*
- 4. a/a*